



Broj: 09/2-16-8-35545-29/22
Sarajevo, 07.03 2023. godine

Na osnovu člana 64. stav 1. tačka b.), člana 70. stav 1, 3. i 6. Zakona o javnim nabavkama BiH ("Službeni glasnik BiH", broj 39/14 i 59/22), te prijedloga Komisije za javne nabavke utvrđenog u Zapisniku broj: JN1-16-8-35545-28/22 od 28.02.2023. godine, u postupku javne nabavke zastava Bosne i Hercegovine za potrebe Ministarstva inostranih poslova Bosne i Hercegovine, donosim:

ODLUKU
o izboru najpovoljnijeg ponuđača

Ponuđač „Euro Vez“ d.o.o. Tešanj sa ponudom zaprimljenom kod ugovornog organa dana, 21.10.2022. godine pod brojem: 09/2-16-8-35545-3/22, proglašava se najpovoljnijim, te se imenovanom ponuđaču dodjeljuje ugovor za nabavku zastava Bosne i Hercegovine za potrebe Ministarstva inostranih poslova BiH.

Ova odluka objavit će se na web-stranici www.mvp.gov.ba istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama ("Službeni glasnik BiH", broj 39/14 i 59/22).

Po pravosnažnosti ove odluke, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku shodno zahtjevima - uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

O b r a z l o ž e n j e

Postupak javne nabavke pokrenut je Odlukom o pokretanju postupka broj: 09/2-16-8-35545-1/22 od 21.09.2022. godine, u kojoj je predviđeno da je procijenjena vrijednost javne nabavke 20.000,00 KM bez PDV-a.

Obavještenje o nabavci br: 253-7-1-30-3-19/22, objavljeno je na Portalu javnih nabavki dana 10.10.2022. godine, uz istovremeno slanje obavijesti o obavještenju prema tri potencijalna ponuđača.

Javna nabavka je provedena putem konkurentskog zahtjeva za dostavljanje ponuda i istom je predviđeno provođenje e-aukcije.

Komisija je Zapisnikom o pregledu i ocijeni ponuda za izbor najpovoljnijeg ponuđača za nabavku zastava Bosne i Hercegovine za potrebe Ministarstva inostranih poslova BiH, broj: JN1-16-8-35545-7/22 od 27.10.2022. godine konstatovala da su do roka prijema ponuda, 24.10.2022. godine pristigle sljedeće ponude:

1. „Euro Vez“ d.o.o. Tešanj i
2. „Hidex“ d.o.o. Sarajevo

zaključno sa rednim brojem 2 (dva).

Analizom dokumentacije pristiglih ponuda, te suštinskom provjerom sadržaja i validnosti dokumentacije, Komisija je utvrdila da ponude ispunjavaju formalno-pravne, ekonomske i tehničke zahtjeve Ministarstva inostranih poslova BiH, te da su prihvatljive i mogu biti

predmet vrednovanja shodno kriterijima utvrđenim Obavještenjem o nabavci, odnosno tenderskom dokumentacijom.

Polazeći od činjenice da prihvatljive ponude u formalno-pravnom, ekonomskom i tehničkom smislu ispunjavaju zahtjeve Ministarstva inostarnih poslova BiH, primjenom kriterija „**najniža cijena tehnički zadovoljavajuće ponude**“, Komisija je Zapisnikom broj: JN1-16-8-35545-6/22 od 24.10.2022. godine, utvrdila rang listu prihvatljivih ponuđača:

1. „Euro Vez“ d.o.o. Tešanj, sa ukupnom cijenom ponude u iznosu od 19.700,00 KM bez PDV-a i
2. „Hidex“ d.o.o. Sarajevo, sa ukupnom cijenom ponude u iznosu od 19.990,00 KM bez PDV-a

zaključno sa rednim brojem 2 (dva).

Tenderskom dokumentacijom, kao i Odlukom o pokretanju postupka, za ovaj predmet nabavke bilo je predviđeno provođenje e-aukcije, na koju su pozvani kvalifikovani ponuđači. Nakon održane e-aukcije, dana 27.10.2022. godine Komisija je konstatovala da su ponuđači učestvovali u istoj i da je konačna rang lista ponuđača nakon provedene e-aukcije sljedeća:

1. „Euro Vez“ d.o.o. Tešanj, sa ukupnom cijenom ponude od 14.760,00 KM bez PDV-a i
2. „Hidex“ d.o.o. Sarajevo, sa ukupnom cijenom ponude od 14.780,00 KM bez PDV-a,

Cijeneći navedeno, a u skladu sa članom 64. stav 1. tačka b) i članom 65. Zakona o javnim nabavkama BiH, Komisija je jednoglasno dala preporuku da se donese Odluka o izboru najpovoljnijeg ponuđača za nabavku zastava BiH-e za potrebe Ministarstva inostranih poslova BiH ponuđaču **„Euro Vez“ d.o.o. Tešanj sa cijenom od 14.760,00 KM bez PDV-a.**

Na osnovu date preporuke od strane Komisije, Ministarstvo inostranih poslova BiH je donijelo Odluku o izboru najpovoljnijeg ponuđača, broj: 09/2-16-8-35545-8/22 od 04.11.2022.godine, na koju ponuđač „Hidex“ d.o.o. Sarajevo ulaže žalbu broj: 50/22 od 08.11.2022.godine.

Kancelarija za razmatranje žalbi Bosne i Hercegovine, razmatrajući po žalbi „Hidex“ d.o.o. Sarajevo donijela je Rješenje broj: JN2-01-07-1-3177-8/22 od 01.12.2022.godine u kojem se žalba žalitelja usvaja kao osnovana, iz razloga što ugovorni organ na žalbeni navod o odstupanjima u dimenzijama uzoraka ponuđača “Euro vez” d.o.o. Tešanj, Kancelariji za razmatranje žalbi nije dostavio uzorke koji su predmet žalbe, pa ista nije mogla utvrditi tačno činjenično stanje, te se predmet vraća ugovornom organu, Ministarstvu, na ponovno postupanje.

Komisija za javne nabavke MIP BiH je u ponovnom postupku, izvršila dodatno mjerenje dostavljenih uzoraka, koji su bili predmet žalbe žalitelja „Hidex“ d.o.o. Sarajevo te ustanovila da su svi dostavljeni uzorci zastava u skladu sa tenderskom dokumentacijom broj: 09/2-3-16-8-35545-2/22 iz oktobra, 2022. godine i Zakonom o zastavama Bosne i Hercegovine.

Cijeneći navedeno, Komisija, u ponovnom provedenom postupku jednoglasno dala preporuku ministru inostranih poslova BiH da donese Odluku o izboru najpovoljnijeg ponuđača za nabavku zastava BiH-e za potrebe Ministarstva inostranih poslova BiH ponuđaču **„Euro Vez“ d.o.o. Tešanj sa cijenom od 14.760,00 KM bez PDV-a.**

Na osnovu date preporuke od strane Komisije, Ministarstvo inostranih poslova BiH je donijelo Odluku o izboru najpovoljnijeg ponuđača, broj: 09/2-16-8-35545-21/22 od 09.01.2023. godine, na koju ponuđač „Hidex“ d.o.o. Sarajevo uložila žalbu putem Advokatskog društva sa ograničenom odgovornošću “Nedžad E. Beća”, zaprimljena kod ugovornog organa, Ministarstva 13.01.2023. godine, u kojoj se žalbeni navodi odnose na

odstupanja u dimenzijama i karakteristikama dostavljenih uzoraka od strane odabranog ponuđača.

Kancelarija za razmatranje žalbi Bosne i Hercegovine je, razmatrajući po žalbi „Hidex“ d.o.o. Sarajevo uložene putem Advokatskog društva sa ograničenom odgovornošću “Nedžad E. Beća”, donijela Rješenje broj: JN2-01-07-1-133-8/23 od 09.02.2023. godine u kojem se žalba žalitelja usvaja kao osnovana, te se predmet vraća ugovornom organu, Ministarstvu, na ponovno postupanje.

U navedenom Rješenju Kancelarija za razmatranje žalbi daje nalog ugovornom organu, Ministarstvu “da ponovo izvrši uvid u dostavljene uzorke izabranog ponuđača, koje žalitelj apostrofira u svojoj žalbi, da svoju kontraargumentaciju, detaljno obrazloži i potkrijepi činjenicama i dokazima, kako bi se u konačnici moglo jasno utvrditi da li su žalbeni navodi žalitelja osnovani”.

U skladu sa nalogom, Komisija za javne nabavke je dana, 27.02.2023. godine izvršila ponovno mjerenje klasičnim metrom dužine 5 m svih dostavljenih uzoraka, koji su bili predmet nabavke i stvarno stanje istih konstatovala Zapisnikom broj: JN1-16-8-35545-28/22 od 28.02.2023. godine, u kojem, ujedno, jednoglasno daje preporuku ministru inostranih poslova BiH da donese Odluku o izboru najpovoljnijeg ponuđača za nabavku zastava BiH-e za potrebe Ministarstva inostranih poslova BiH ponuđaču **„Euro Vez“ d.o.o. Tešanj sa cijenom od 14.760,00 KM bez PDV-a.**

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi, najkasnije u roku od 5 (pet) dana od dana prijema ove Odluke i to u pismenoj formi, u dovoljnom broju primjeraka, a koji ne može biti manji od tri.



DOSTAVITI:

1. Svim učesnicima u postupku javne nabavke
2. Komisiji za javne nabavke
3. Odsjeku za opšte poslove, arhiv i dokumentaciju
4. Evidenciji